



KOTA BHARU

BULETIN

UNITI

بُولْتِين
اوْنِيْتِي

JUBLI PERAK 25 TAHUN KOLEJ UNITI KOTA BHARU

MAJLIS PERASMIAN SAMBUTAN JUBLI PERAK

Pada 25 Mac 2022 , Kolej UNITI Kota Bharu telah mengadakan Majlis Perasmian Sambutan Jubli Perak ms 8

PERTANDINGAN WARISAN KESENIAN DAN KECANTIKAN AYAM SERAMA

Pertandingan Warisan Kesenian Dan Kecantikan Ayam Serama ini telah berlangsung pada 26 Mac 2022 ms9

PERTANDINGAN LIGA PIALA JUBLI PERAK KOLEJ UNITI KOTA BHARU 2022

Kolej UNITI Kota Bharu telah menganjurkan satu pertandingan liga bola sepak bersempena Sambutan Jubli Perak ms9



**Majlis Konvokesyen
2022 Kolej UNITI Kota
Bharu**

The Grand Renai, Kota Bharu,
Kelantan.





KATA-KATA PENGANTAR

Alhamdulillah kita panjatkan segala kesyukuran ke hadrat Allah swt. Selawat dan salam ke atas junjungan besar Nabi Muhammad saw, keluarganya, para sahabat serta semua pengikutnya, hingga hari akhirat kelak. Saya ingin mengambil peluang ini untuk mengucapkan jazaakumullahukhaira kathira (semoga Allah swt memberi balasan yang lebih baik) kepada semua warga Kolej UNITI Kota Bharu dan semua yang terlibat atas usahasama dan komitmen yang ditunjukkan dalam menerbitkan Buletin UNITI 3.0.

Untuk makluman, Kolej UNITI Kota Bharu merupakan sebuah Institusi Pengajian Tinggi yang mempunyai identitinya tersendiri yang berkonsepkan Kolej Keusahawanan Pertama di Malaysia. Selain pendidikan akademik, Kolej UNITI Kota Bharu juga memberikan tumpuan dalam melahirkan bakal usahawan moden menerusi aktiviti-aktiviti keusahawanan yang ditawarkan di Kolej UNITI Kota Bharu.

Diharapkan informasi daripada risalah Buletin UNITI ini dapat menjadikan Kolej UNITI Kota Bharu lebih dekat dengan institusi-institusi tempatan dan juga masyarakat setempat. Kami menyedari bahawa Buletin UNITI ini masih jauh dari sempurna. Oleh itu, sebarang komen dan kritikan yang membangun amat kami harapkan demi kesempurnaan risalah buletin ini.

Akhhir kata, ucapan terima kasih kepada semua pihak yang telah memainkan peranan masing-masing dalam penyusunan risalah ini dari awal hingga akhir. Semoga Allah swt sentiasa meredhai dan merahmati segala usaha yang telah dicurahkan. Amiin.

Sekian, terima kasih.

TUAN HAJI JAMAL BIN MOHD AMIN

SIDANG REDAKSI

Penaung

TUAN HAJI JAMAL BIN MOHD AMIN
(Presiden Kolej UNITI)

Penasihat 1

SERI BANUN BINTI BAHTIAR
(Ketua Eksekutif)

Penasihat 2

MOHD SHAHAROM BIN AZMIN
(Ketua Pegawai Operasi)

Penyelaras

UMAR SYAHID BIN MOHD ALI

Editor & Grafik

UMAR SYAHID BIN MOHD ALI

Sidang Pengarang

MOHAMAD SYAKIR ZUFairy BIN MOHAMAD
AIN NUR AMILIA BINTI MD YUSOF
NUR HIKMAH NIK ALLI @ ZULKIFLI

Jurufoto

UMAR SYAHID BIN MOHD ALI
MOHAMAD SYAKIR ZUFairy BIN MOHAMAD
MUHAIMIN BIN MUHAMAD

Percetakan & Pengedaran

MUHAIMIN BIN MOHAMAD
WAN JAFFRI BIN WAN MAT SALLEH

ALAMAT SURAT MENYURAT:

KOLEJ UNITI KOTA BHARU,
Lot 1911, Jalan PCB,
15350 Kota Bharu,
Kelantan Darul Naim.

Tel: 09-774 7449 / 7450 / 5451
Fax: 09-774 3006

www.UNITIkotabharu.edu.my

Facebook | Instagram | Youtube | TikTok
kolejUNITIkotabharu

SEKSYEN KAUNSELING DAN KERJAYA

MOVIE THERAPY

PENULIS: MOHAMAD SYAKIR ZUFAIRY

Pada 18 Mac 2022, Seksyen Kaunseling dan Kerjaya Kolej UNITI Kota Bharu dengan kerjasama Majlis Perwakilan Mahasiswa (MPM) Kolej UNITI Kota Bharu telah mengadakan program "Movie Therapy" yang bertempat di dewan Kolej UNITI Kota Bharu. Program ini yang julung kali diadakan telah bermula pada jam 8.30 malam sehingga 11.30 malam. Penyertaan daripada mahasiswa kolej amat memberangsangkan



sehingga mencecah 100 orang pelajar pada malam tersebut. Selain daripada makan minum disediakan,



cabutan bertuah juga turut memeriahkan suasana program setelah berakhirnya tayangan filem tersebut.

Program ini bertujuan untuk menyedarkan para pelajar berkaitan kesihatan mental dengan kaedah menayangkan filem bermakna kesihatan mental

serta menjawab inventori Depression Anxiety Stress Scale (DASS). Selain itu untuk memberi peluang kepada pelajar untuk membuat refleksi hasil program yang dijalankan serta menyedia-



kan kuiz selepas tayangan berakhir. Diharapkan semoga Program Movie Therapy ini, dapat dilaksanakan lagi pada semester akan datang dan mencapai objektif program yang telah ditetapkan.

SEKSYEN KAUNSELING DAN KERJAYA

SEJUTA KASIH SEGEMGGAM HARAPAN

PENULIS: MOHAMAD SYAKIR ZUFAIRY

Pada 14 Mac 2022, Seksyen Kaunseling dan Kerjaya Kolej UNITI Kota Bharu dengan kerjasama Majlis Perwakilan Mahasiswa (MPM) Kolej UNITI Kota Bharu telah mengadakan program "Program Sejuta Kasih Segenggam Harapan" yang bertempat di Rumah Kebajikan Anak Yatim dan Dhuafa Baitul Ruhana Pasir Mas Kelantan. Kami



mengagihkan sumbangan berbentuk makanan KFC dan mengadakan program motivasi bersama penghuni-penghuni rumah anak yatim tersebut.

Lebih kurang 50 ketul ekor ayam KFC telah diagihkan. Penghuni-penghuni rumah anak yatim tersebut masih lagi bergelar pelajar sekolah. Jadi, kami mengambil kesempatan ini untuk



memberi sedikit perkongsian dan tips cara belajar berkesan memandangkan ada dikalangan mereka yang bakal menduduki peperiksaan SPM.

Antara tujuan program ini diadakan adalah untuk menyantuni mereka yang telah kehilangan insan tersayang disamping memberikan kekuatan dan semangat buat mereka untuk meneruskan kehidupan. Diharapkan agar program sebegini dapat diadakan lagi dan terima kasih kepada semua pihak yang telah berjaya bekerjasama dalam membantu program ini.

SEKSYEN ALUMNI DAN HUBUNGAN LUAR



HALATUJU LEPASAN DIPLOMA DENGAN KERJASAMA DARI ASIA E UNIVERSITY (AeU)

PENULIS : AIN NUR AMILIA BT MD YUSOF

Demi memberi galakan kepada pelajar KUKB untuk terus melanjutkan pelajaran di peringkat yang lebih tinggi, Seksyen Alumni dan Hubungan Luar telah mengadakan Program Halatuju Lepasan Diploma yang mendapat kerjasama dari Asia e University (AeU). Program ini telah dijalankan secara atas talian dengan menggunakan platform Google Meet.

Program ini telah mendapat sambutan yang membengangkan apabila hampir 100 orang pelajar telah menyertai sesi ini. Sepanjang sesi terse-


but dijalankan, pihak AeU telah memberi pendedahan mengenai program-program yang ditawarkan serta kelebihan yang ada di universiti tersebut. Bagi memastikan para pelajar mendapat maklumat yang jelas, sesi soal jawab turut diadakan di mana para pelajar diberi peluang untuk mengutarakan sebarang soalan yang dipunyai kepada wakil AeU. Semoga program seperti ini mampu memberi galakan kepada para pelajar untuk terus melanjutkan pelajaran ke peringkat yang lebih tinggi.

LIVE TALK BERSAMA ALUMNI KUKB

PENULIS : AIN NUR AMILIA BT MD YUSOF

Demi mengutukkan lagi hubungan di antara pihak kolej dan bekas pelajar Kolej UNITI Kota Bharu (KUKB), Seksyen Alumni dan Hubungan Luar telah mengendalikan program bersama alumni yang diberi nama "Live Talk Bersama Alumni KUKB 2022" yang disiaran secara langsung di Facebook rasmi kolej. Program ini diadakan bertujuan untuk merapatkan lagi hubungan pihak kolej dan bekas pelajar. Selain itu, dengan adanya program "live talk" ini, pihak kolej, terutamanya para pensyarah dapat mengetahui perkembangan terkini tentang kehidupan anak didik masing-masing. Setiap sesi yang dijalankan adalah mengikut program yang terdapat di KUKB dan disertai

oleh ketua program berkenaan serta dua (2) orang wakil alumni yang dijemput khusus oleh pihak kolej. Sepanjang sesi tersebut dijalankan selama satu (1) jam, ketua program yang bertindak sebagai "moderator" bertanyakan beberapa soalan tentang kehidupan terkini para alumni jemputan serta pengalaman manis yang mereka punyai sepanjang bergelar pelajar KUKB. Di samping itu, para alumni jemputan juga memberi beberapa nasihat dan kata-kata semangat untuk semua pelajar KUKB di samping memberi galakan untuk terus belajar dan menjadi yang terbaik. Diharapkan agar program ini mampu mengeratkan hubungan baik antara pihak kolej dan para alumni.





Lembaga Jalinan Pengusaha Islam Malaysia
YAYASAN PEMBANGUNAN EKONOMI ISLAM MALAYSIA (YAPEIM)



**Lawatan Kerja Timbalan Menteri Di
Jabatan Perdana Menteri (Hal Ehwal Agama)
Ke Kolej Uniti Kota Bharu Sempena**

قرىبكم فودباك ياقيم ريدي توأيت دان مساعدة كوفيد 19

Program Foodbank YaPEIM Ready to Eat

&

Musaadah Covid 19

Ahad 6 Feb 2022



Dihoskan Oleh : Pusat Komunikasi Korporat Kolej Uniti Kota Bharu





RAMADAN AL-MUBARAK JUBLI PERAK KUKB

PENULIS: NUR HIKMAH NIK ALLI @ ZULKIFLI

Baru-baru ini Bahagian Hal Ehwal Pelajar dan Alumni Kolej UNITI Kota Bharu dengan Kerjasama Majlis Perwakilan Mahasiswa Kolej UNITI Kota Bharu telah menganjurkan satu program sempena sambutan bulan Ramadan 2022. Ia dijalankan sepanjang bulan Ramadan iaitu bermula 1 – 30 April 2022 bagi mengimarahkan bulan yang penuh dengan keberkatan ini. Program ini melibatkan warga kolej UNITI Kota Bharu dan masyarakat sekitar.

Terdapat pelbagai program yang digerakkan sepanjang sebulan ini dilangsungkan. Antaranya, program ceramah, pertandingan kuiz Ramadan dan pemberian sumbangan Ramadan kepada asnaf & staf kolej. Pek iftar & moreh juga disediakan kepada para pelajar yang berada di kolej. Selain itu, majlis khatam Al-Quran & buka puasa perdana turut diadakan.

Diharapkan dengan penganjuran program ini dapat memberi manfaat kepada semua warga kolej UNITI Kota Bharu dan masyarakat sekitar.



MOREH



CERAMAH

RAMADHAN AL-MUBARAK

SAMBUTAN JUBLI PERAK
KOLEJ UNITI KOTA BHARU

MAJLIS PERWAKILAN MAHASISWA
KOLEJ UNITI KOTA BHARU 22/23

MAJLIS KHATAM AL-QURAN
MAHASISWA/I KOLEJ UNITI
KOTA BHARU

TARIKH : 12/4/2022
MASA : 5.00 PM
TEMPAT : DEWAN UTAMA KUKB

"Bacalah Alquran, sesungguhnya ia (Alquran) akan datang di hari kiamat memberi syafaat kepada pembacanya."
(Imam Muslim, Shahih Muslim).

KEHADIRAN ADALAH DIWAJIBKAN
BAGI SEMUA MAHASISWA/I KUKB

MAJLIS KHATAM AL-QURAN



KOLEJ UNITI KOTA BHARU



مجلیس قرائمهین سمبون جبلي چيراق

Majlis Perasmian Sambutan Jubli Perak Kolej Uniti Kota Bharu

SECARA VIRTUAL

DIRASMIKAN OLEH: YANG AMAT BERHORMAT DATO' BENTARA KANAN MENTERI BESAR KELANTAN
USTAZ DATO' HAJI AHMAD BIN YAAKOB ((S.J.M.K),(D.J.M.K),(J.P),(S.M.K))

DIWAKILI OLEH: YB DATO' DR. MOHAMED FADZLI BIN DATO' HAJI HASSAN ((D.J.M.K),(J.M.K))
PENGURUS JAWATANKUSA PEMBANGUNAN INSAN, PENDIDIKAN, PENGAJIAN TINGGI, SAINS DAN TEKNOLOGI

🕒 25 MAC 2022
🕒 8 MALAM
📍 PADANG KOLEJ UNITI KOTA BHARU


Disediakan Oleh: Pusat Komunikasi Korporat Kolej Uniti Kota Bharu

LIVE KOLEJ UNITI KOTA BHARU

Pada 25 Mac 2022, Kolej UNITI Kota Bharu telah mengadakan satu majlis yang cukup bermakna buat semua kakitangan kolej iaitu Majlis Perasmian Sambutan Jubli Perak Yang ke-25 secara virtual. Majlis tersebut diadakan di padang Kolej UNITI Kota Bharu. Majlis bermula pada jam 8 malam yang melibatkan semua kakitangan kolej. Majlis ini dirasmikan oleh Yang Amat Berhormat Dato bentara Kanan Menteri Besar Kelantan Ustaz Dato' Haji Ahmad bin Yaakob. Majlis ini diwakili oleh YB Dato Dr Mohamad Fadzli bin Dato' Hj Hassan, Pengurus Jawatankuasa Pembangunan Insan, Pendidikan, Pengajian Tinggi, Sains dan Teknologi.

Tujuan majlis ini diadakan adalah untuk memperkenalkan Kolej UNITI Kota Bharu kepada masyarakat diluar sana serta menghargai jasa perjuangan warga UNITI setelah 25 tahun kolej ini beroperasi di Kelantan. Ianya sudah pasti untuk memperingati sejarah penubuhan Kolej UNITI serta perjalanan

pahit, manis semasa membangunkan kolej tersebut. Selain itu juga, untuk menjadi salah satu intitusi yang maju dan berdaya saing dan mendapat persefakatan antara agensi kerajaan, swasta mahupun korporat.





PERTANDINGAN WARISAN KECANTIKAN & KESENIAN AYAM SERAMA

Pertandingan Warisan Kesenian Dan Ke-cantikan Ayam Serama sempena sambutan jubli perak Kolej UNITI Kota Bharu ini telah berlangsung pada 26 Mac 2022 bermula pada jam 9 pagi hingga 5 petang yang melibatkan peserta dari seluruh Malaysia. Pertandingan ini dianjurkan oleh Serama Underwater Group dengan Kerjasama Kolej UNITI Kota Bharu. Untuk makluman semua, pendaftaran untuk pertandingan ini, telah mececah angka 400 lebih ekor ayam yang telah dipertandingkan dalam kategori yang berbeza.

Terdapat 7 kategori yang dipertandingkan antaranya ialah, Anak A (jantan), Anak B (jantan), Remaja (ciri-ciri), Muda (ciri-ciri), A 350gm (T/lawi), B 351gm (T/lawi), serama betina (remaja/muda/induk). Terdapat juga kategori Best of the best (BOTB) Junior yang mendapat hadiah berupa wang tunai RM50 , piala serta sijil. Manakala johan sebanyak RM350, Naib Johan RM250, dan tempat ketiga RM150 beserta piala dan sijil dan untuk saguhati RM80.

Tujuan program ini diadakan adalah untuk membina rangkaian dengan pihak luar disamping mengeratkan hubungan dengan masyarakat setempat dengan aktiviti-aktiviti yang telah dipertandingkan. Selain itu, program ini bertujuan untuk memperkenalkan Kolej UNITI Kota Bharu kepada orang ramai.



PERTANDINGAN LIGA BOLA SEPAK PIALA JUBLI PERAK KOLEJ UNITI KB

Pertandingan bola sepak merupakan salah satu sukan yang amat popular diseluruh dunia termasuklah diperingkat pengajian tinggi mahupun disekolah. Justeru itu, Kolej UNITI Kota Bharu telah menganjurkan satu program Pertandingan Liga Bola Sepak Piala Jubli Perak sempena Sambutan Jubli Perak yang ke-25 Kolej UNITI Kota Bharu. Pertandingan ini bermula pada 27 Januari 2022 sehingga ke peringkat perlawanan akhir pada bulan April 2022 yang melibatkan 8 pasukan luar termasuk pasukan Kolej UNITI FC sebagai tuan rumah.

Antara objektif pertandingan ini diadakan adalah untuk mengeratkan hubungan silaturrahim dalam kalangan pelajar dan juga dengan penduduk kampung sekitar yang hadir semasa perlawanan bola sepak sedang berlangsung. Selain itu, untuk melahirkan mahasiswa yang bukan sahaja cemerlang akademik malah juga cemerlang dalam bidang ko-kurikulum. Seterusnya, dapat membantu memupuk dan melahirkan pelajar yang kuat fizikal dan jati diri serta dapat mewujudkan sikap daya saing dalam kalangan pelajar.

Diharapkan agar program yang bermafaat seperti ini dapat dijalankan lagi pada masa akan datang kerana ia telah dapat membantu para pelajar mengasah bakat dan menjaga kesihatan dengan aktiviti yang berfaedah.



PENULIS : MUHAMAD HASHIM BIN YAKOB

MAJLIS KONVOKESYEN KOLEJ UNITI KOTA BHARU 2022

Buat julung kalinya Kolej UNITI Kota Bharu telah mengadakan Majlis Konvokesyen di negeri Che Siti Wan Kembang. Pada tarikh keramat 26 Jun 2022 seramai 285 graduan daripada 5 program pengajian di peringkat diploma telah diraikan dalam majlis tersebut. Majlis ini telah diadakan di Grand Ballroom, The Grand Renai Hotel Kota Bharu dan telah disempurnakan oleh YB Dato' Dr. Mohamed Fadzli bin Dato' Haji Hassan, Pengurus Jawatankuasa Pembangunan Insan, Pendidikan, Pengajian Tinggi, Sains dan Teknologi, Kerajaan Negeri Kelantan.

Dalam majlis konvokesyen kali ini terdapat beberapa anugerah yang telah diberikan kepada graduan. Siti Masyitah binti Razmi telah dinobatkan sebagai penerima Anugerah Presiden, manakala 13 orang graduan masing-masing telah memperoleh Anugerah Pelajar Terbaik Akademik bagi tahun 2020, 2021 dan 2022. Anugerah Khas pelajar pula diberikan kepada Azmi bin Ibrahim, graduan Diploma Psikologi. Beliau merupakan graduan OKU yang mempunyai semangat juang yang tinggi dalam menamatkan pengajian selama tiga tahun di Kolej UNITI Kota Bharu. Anugerah Tok Kenali berjaya disandang oleh Wan Muhammad Akmal bin Wan Azman graduan dari Program Diploma Pengurusan Industri Halal. Anugerah ini diberikan kepada graduan yang memiliki kecemerlangan



di dalam kepimpinan pelajar serta penglibatan yang tinggi dalam aktiviti kokurikulum bagi kategori siswa. Manakala bagi Anugerah Che Siti Wan Kembang, ianya disandang oleh Nurul Alya Syuhada binti Azlan graduan dari Program Diploma Psikologi. Beliau merupakan graduan siswi yang memiliki kecemerlangan dalam kepimpinan serta banyak melibatkan diri dalam aktiviti ko-kurikulum. Dalam pada itu juga, bagi memeriahkan majlis, Pihak Kolej UNITI Kota Bharu turut meraikan alumni yang bekerja dalam beberapa sektor terpilih seperti sektor swasta, sektor kerajaan dan yang menjadi usahawan. Mereka dianugerahkan sijil penghargaan dan sedikit saguhati di atas pencapaian dan kejayaan mereka.

Majlis Konvokesyen pada kali ini mencatat kenangan manis apabila buat pertama kali ibu bapa dibenarkan untuk berada di dewan bagi sama-sama meraikan kejayaan graduan selepas pandemik Covid-19 yang melanda seluruh dunia. Kelonggaran SOP yang ditetapkan membawa erti yang besar kepada graduan dan ahli keluarga sekaligus memberi kegembiraan kepada semua yang hadir pada majlis konvokesyen berkenaan. Semoga majlis konvokesyen yang penuh kegirangan berkenaan akan menjadi memori terindah dalam diri setiap graduan. Tahniah diucapkan kepada semua graduan.





Ucaptama daripada
Yang Berhormat
Dato' Dr. Mohamed
Fadzli bin Dato' Haji
Hassan, Pengerusi
Jawatankuasa
Pembangunan Insan,
Pendidikan, Pengajian
Tinggi, Sains dan
Teknologi, Kerajaan
Negeri Kelantan.

PROGRAM PENGAJIAN KOLEJ UNITI KOTA BHARU



1. DIPLOMA PENGAJIAN Islam

MQA FA1170 / KPT R3/221/4/0015

Bidang pengajian Islam di antara program terawal yang ditawarkan iaitu sejak penubuhan Kolej Jaipetra pada tahun 1998. Diploma pengajian Islam ini merupakan pakej pengajian yang memberi penekanan kepada ilmu duniawi dan ukhrawi secara seimbang. Graduan diploma ini bukan sahaja memiliki pengetahuan dalam bidang Usuluddin dan Syariah tetapi juga mampu menjadi seorang pendakwah yang baik. Bidang pengajian Islam adalah merupakan bidang pengajian aktif dalam mengadakan aktiviti kemasyarakatan seperti khidmat masyarakat, forum agama dan aktiviti gotong royong di masjid dan lain-lain lagi.

ia juga memberi peluang kepada mereka yang ingin melanjutkan pengajian ke peringkat ijazah sarjana muda.

Matlamatnya adalah untuk menyediakan pelajar dengan kemahiran asas dalam menjalankan sesuatu perniagaan dan meningkatkan kecekapan praktikal dalam persekitaran profesional. Di samping itu juga, program ini mendedahkan pelajar kepada aplikasi dunia perniagaan yang sebenar dan pengurusan efektif melalui subjek-subjek yang diajar. Justeru itu, pelajar dapat menajamkan kemahiran dalam bidang perniagaan dan memulakan perniagaan baru dengan jayanya.

Graduan boleh mendapat pekerjaan sebagai eksekutif peringkat permulaan dan pengurus dalam perusahaan kecil, perusahaan sederhana tempatan dan perusahaan tempatan dan multinasional bersaiz besar. Graduan juga boleh mendapat pekerjaan dalam organisasi tidak berdasarkan keuntungan dan sektor awam.

2. DIPLOMA PENGURUSAN

MQA FA 1588 / KPT (R3/345/4/0040)

Program ini menyediakan pengetahuan asas yang menyeluruh dalam isu-isu berkaitan pengurusan. Program ini direka untuk memberikan pengetahuan dan kemahiran dalam bidang pengurusan dan perniagaan dengan penekanan khas terhadap beberapa aspek untuk menjalankan sesuatu perniagaan, tugas-tugas seorang pengurus dan aspek keusahawanan.



3. DIPLOMA PSIKOLOGI

MQA FA 1169 / KPT(R3/311/4/0001)

Psikologi merupakan bidang akademik dan gunaan yang mengkaji tentang tingkah laku dan minda manusia. Penyelidikan dalam bidang psikologi bertujuan untuk memahami dan menerangkan tentang pemikiran, tindakan, perasaan manusia dan sebagainya.

Aplikasi dalam bidang psikologi merangkumi rawatan kesihatan mental, peningkatan prestasi, bantuan kendiri, ergonomik dan pelbagai bidang lain yang mempengaruhi kesihatan dan kehidupan seharian.



4. DIPLOMA PENDIDIKAN AWAL

KANAK-KANAK

MQA FA 1793 / KPT (R/143/4/0033)

Diploma Pendidikan Awal Kanak kanak ini dibangunkan untuk melengkapkan pelajar dengan pengetahuan dan kemahiran yang meluas untuk memupuk dan membimbing kanak-kanak taska dan tadika. Program atau kursus diploma pendidikan awal kanak kanak ini di reka dengan teliti untuk membolehkan mereka memperolehi pengetahuan yang perlu dalam pengajaran dan pembelajaran teori, kemahiran



pedagogi, kandungan kurikulum, pembangunan kanak-kanak, psikologi kanak-kanak.

Memahami konsep falsafah pendidikan awal kanak-kanak dan menggunakan prinsip-prinsip pendidikan adalah sangat penting untuk membantu perkembangan intelek, jasmani, rohani dan emosi kanak-kanak.

5. DIPLOMA PENGURUSAN MUALAT

MQA FA 3631 / KPT (R/340/4/0261)

Pengurusan Muamalat adalah satu bidang ilmu asas yang berkait dengan kefahaman urusan sehari-hari manusia terutama yang melibatkan harta. Perkataan "muamalat" merujuk kepada urusan kehidupan manusia yang berkaitan dengan kegiatan harian dalam semua bidang meliputi akad, iltizam dan tasarruf yang membawa kesan pertukaran hak milik barang atau wang untuk mendapat manfaat secara bersama berdasarkan kerelaan dan kepuasan. Bidang muamalat banyak menyentuh mengenai ilmu-ilmu tentang akad atau transaksi. Umat Islam pada hari ini mula peka serta sensitif terhadap aktiviti-aktiviti sehari-hari mereka sama ada aktiviti-aktiviti tersebut bertepatan dengan prinsip-prinsip syariah atau sebaliknya.



Kepesatan pembangunan industri kewangan Islam yang meliputi sektor perbankan, takaful, pasaran modal, al-rahm, pengurusan harta amanah dan sebagainya menyemarakkan lagi anjakan pemikiran umat Islam untuk mula beralih kepada instrumen atau produk kewangan Islam yang kini mula mendapat tempat di hati mereka. Bagi menyahut cabaran dan keperluan semasa, Diploma Pengurusan Muamalat direka untuk ditawarkan kepada pelajar bagi memberi pemahaman yang luas dalam bidang ini dan berkemampuan untuk mengaplikasikan pembelajaran yang diperlajari sepanjang hayat mereka.



6. DIPLOMA PENGURUSAN INDUSTRI HALAL MQA FA 3527 / KPT (R/345/4/0377)

Bidang pengurusan industri halal memberi tumpuan kepada pembangunan pengetahuan dan pelaksanaan amalan halal di industri yang berbeza di Malaysia terutamanya dalam perkhidmatan makanan dan pengurusan serta penyediaan perkhidmatan terbaik kepada tetamu. Ia adalah satu disiplin pengajian yang memerlukan graduan dapat menunjukkan pengetahuan, kefahaman dan kebolehan dalam menyediakan perkhidmatan halal yang cemerlang serta memastikan amalan halal diperbadankan dalam keseluruhan industri halal di Malaysia.



7. DIPLOMA PELANCONGAN AMA-LAN HALAL MQA PA 13843 / KPT (N/812/4/0210)

Kursus Diploma Pelancongan Amalan Halal (DPAH) ini direka untuk mendidik dan melengkapkan pelajar dengan pengetahuan dan kemahiran yang menyeluruh dalam bidang-bidang yang berkaitan dengan industri pelancongan seperti operasi pengembalaan dan pelancongan, pengurusan acara, pelancongan rekreasi, operasi kaunter hadapan, perkhidmatan interpretasi pengunjung, sistem rangkaian global, pelancongan rekreasi, teknik pemandu pelancong, operasi dan pengurusan acara dan teknologi dalam pelancongan juga ditekankan untuk menyokong pemikiran kreatif dan kritis.

Perbezaan yang diketengahahkan oleh Diploma Pelancongan Amalan Halal (DPAH) berbanding dengan Diploma Pelancongan yang lain ialah, sibus yang direka menekankan tentang sektor pelancongan dalam aspek agama Islam. Pelajar akan dapat membezakan antara sektor pelancongan secara global dan pelajar juga akan diberi pendedahan tentang sektor pelancongan kearah kelslamatan.



Program ini mensasarkan untuk menyediakan pelajar dengan kemahiran teknikal dan praktikal bagi menghadapi persekitaran dunia sebenar dengan keyakinan yang tinggi. Pada masa yang sama, membentuk mereka untuk berusaha lebih gigih serta bijak dalam menghadapi cabaran dan persaingan dalam industri ini.

Diploma Pelancongan Amalan Halal (DPAH) merupakan program baru di KUKB. Program ini mengambil masa 3 tahun (6 semester) mendedahkan pelajar kepada dunia pelancongan secara keseluruhannya. Diploma ini juga telah mendapat kelulusan MQA untuk mengesahkan kualiti program ini.



Bingung nak
sambung belajar
kat mana...

JOM!! MASUK UNITI

The text "JOM!! MASUK UNITI" is displayed in large, bold, colorful letters (green, yellow, red) with a 3D effect. A small circular badge with "25" and "JUBILEE" is placed on the "M" of "MASUK".

Minimum
3 Kredit
Dalam
SPM



KOLEJ UNITI KOTA BHARU

Lot 19II, Jalan PCB,

15350 Kota Bharu,

Kelantan Darul Naim.

Tel : 09 - 774 7449 / 7450 / 5451

Faks : 09 - 774 3006

www.unitikotabharu.edu.my

kolejunitikotabharu

